

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه
قبول اولنور . درج ایدله یین
یازیلر اعاده اولونماز .

الکتاب

دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر
محمد خاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۷۳

۳ محرم ۱۳۳۷

پنجشنبه

۱۰ تشرین اول ۱۳۳۴

جلد ۱۵

دل شکنانه ده بولونمش ، بومناسېتله خاور غزته سې سر مخړی سید محمد توفیق پک جریده فریده کزله «ایرانک فدا کارلخی» عنوانیله بر مقاله نشر ایتش ایدی .

کړک سید محمد توفیق پکک ، کړک بنده کړک مقصدی بر مباحثه ، یاخوږ بر مجادله قلمیه احداث ایتک دکلدر . بلکه مقصد ، تنویر افکاره خدمت و بالنتیجه سوء تفهیمک ازاله سیدر . استانبول ده بولنان بر آووج ایرانلیلر ، هندلیلر ، افغانلیلرک حسباتی رنجیده اولسون ، اولسون ، مسئله بودکلدر . اصل معتابه بر مسئله وارسه اوده تورک ملتک بویله نشریات سبیلله ایرانلیلر ، هندلیلر ، افغانلیلر حقنده یا کلش بر فکر بسلامتی محذوری در . بناء علیه بر کیمسه یه تعرض ایتک قصدیه دکل ، بلکه الدن کلدیکی قدر بو محذورك ازاله سنی تأمین ایتک املیه اجاله قلمده بولندم .

اعتراف ایتلی یزکه جهاد اکبر اعلانی اوزرینه عالم اسلام دین و دیانتک استلزام ایتدیکی درجه ده لیک خوان اولمادی ، امکانی نسبتنده اولسون نفع عامه اجابت ایتدی . قوانین اسلامه کوره عالم اسلام بر جنایت ایشلیدی ؛ همده پک بویوک بر جنایت . فقط عجبا بو جنایتی ، بوجرمی تخفیف ایده چک ، بلکه کنديسنه برائت قراندره حق اسباب مجبره یوقیدر ؟ اگر بواسباب مخففه وسوائق مجبره بولنمسه ایدی تورک لره ذی القربی ، جار بالجلب اولان ، شیعی لک سنی لک خانه بر اندازلکنی حل و فصل ایتش بولسان ، و بوندن برقاج آی اولنه قدر اولرینک اشیکلرنده قویان قیامتله لاقید قالان مترقی یا کو میلیونر اسلامری «ضعیفین من النار» مستحق اولیه جقلرمی ایدی ؟ بناء علیه فقر و فاقه ، فلاکت و سفالت طوفانلرنده بو غولمش اولان ، مقر خلافت دن بعید ، بو کونکی مقهور اسارتزده هندلیلر ده هیچ کیمسه نک بر دیه چکی قالمزدی .

اوت ، عالم اسلام مطلوب درجه ده بذل مجهود ایتدی ، ایده مدی . فقط نیتک فنورندن دکل ، استطاعتک فقدانندن ایده مدی . قانی غلیان ایدیور ، جانی یانیور ، یوره کنک آجیسنی بر درلو طیشاری یه دوکه میور . « قهر درویش بر جان درویش » ، و یاخوږ « الی ابر من » ، کوچی یتیم . بر حال هجزده بولنیورلر . شبهه سز بوده بر قصوردر . فقط بوقصور و فتورک مسئولی نسل حاضر دکلدر . بواسکی بر دردی مژدر ؟ همده پک اسکی بر دردر .

اسلامیت یا لکنز معنوی بر مفکوره ، بر ایده آل دکل ، عینی زمانده مادی ، سیاسی بر مؤسسه در . انسانک بولندی . محیط محسوسات و مادیات اولدینی ایچون اسلامیت ایلاک اول مادیات ایله اشتغال ایدر . بشقه ادیان کبی مادیاتی ، حسباتی فائده سز ، بلکه معنویاته معارض بر عنصر فرض ایده رک تلعبنه قالمیشماز . بالعکس مادیاتی ، حسباتی افراط و تفریط دن قورتارمقله انسانی معنویاته واردیرق ایچون صالح بر عامل حاله افراغ ایدر . «الدنيا منزعاة الاخرة» نک حقیقتی ایشته بودر . فطرت بشریه وجبت انسانیه یی حسابیه قائمیان بر دین ،

(۱۰) ملیون جز شدن برخی آلمق صورتیله انتخاب ایتشلر . متره تبعیتنده تعقیب ایدیان اصوله درجه مشابهته دقت ایدیکنز .

که توبس اهرامک تقویم نقطه نظرندن قیمتی : قاعده سنی محیطی (مقیاس طول) ایله تقسیم ایدرسه ک سنه نجومی . مدتی اولان ۳۶۵,۰۶۳ کون بولنیور . دهاسی وار L'année Civile تعییر ایدیان حادی سنه یی که نه یونانیلر ، نه ده رومالیلر حساب ایده بیللمشلردی ؛ بونی مصریلرک بیلدکلرینه شبهه قالمیور . زیرا (که توبس) ک داخلنده فرعون! او طه سنه منتهی قوریدورک طولی (π) پی ایله ضرب ایدرسه ک ۳۶۵,۲۲۲ عددی میدانه چقیور ۱۱۱

اگر مقیاس طولی (۱۰۰) ملیونه ضرب ایدرسه ک کړه نک محرکی اوزرنده بر کونده یعنی یکرمی درت ساعتده قطع ایتدیکی قوسک طول حقیقتی بولورز . هم بو رقم او قدر طوغری خقیقور که بزم آلتلره بو قدرینی بولق حالا امکانسزدر! فرعون او طه سنک دروننده کی قاصه نک ماصه سنی ده ارضک کثافت رقمی ویریور !

اینانیلمسی حقیقه مشکل اولان بوتون فوق العاده لک لری کولکه ده . برافاجق بر شی وارسه ، اوده علمک بو باند دقایقه ، اهراملردن غیری ، او دیارک نه تاریخنده ، نه ده سائر متروکاتنده تصادف ایدله مسیدر ؛ حتی بحث ایتدیکنز طول مقیاسی بیلله ، اهراملردن باشقه هیچ بر بناده ، هیچ بر اثرده استعمال ایدله مشدر .

عجبا (علمک ابدیاً شاه اثری) اولق مزینتی طاش جبهه سنده طاشیه جق بو آبدی بنا ایدن کیمدر ؟ بو درجه یوکسک معلوماتی الهام طریقله می او کړنمشدر ؟ ...

ایشته هیچ بر زمان حل ایدله میه چک بر طاقم معمالی سؤاللرده !! اوزیریسک ، ده اطوغریسی ، مصر کاهنلرینک بوقرا کلق اسرارینی آنجق جزیه مجموعه اهرامک اوکنده ایدی بر نکهبان کبی دوران (اسفکس) بیلله بیلیر . عجبا اونک متحجر بیننده کزله ن بو ضربیه یی ده حل امیدله چالیشانلر بولنیور می ؟ ! عبدالفیاض توفیق

جهاد اکبر و عالم اسلام

کچنلرده ترجمان حقیقت غزته سنده سر محرر اغا اوغلی احمد پک طرفندن «شبح سنوسی حضرتلرینک سیاحتلری» عنوانی آلتنده یازیلان باش مقاله ده کی «انسان ایران ، افغانستان ، هندستان رجالتک اطرافلرنده قویان قیامتله تماماً لاقید قاله رق سیرجی بر وضعیت آللرینی ده بر درلو آ کلامیور .» فقره سنی او قودیم زمان اعتراف ایدرم که تعجب ایتکدن کنديمی آله مدم . آغا اوغلی احمد پک کبی بر عالم اسلام متخصصنک ، حیاتی بو اوغورده وقف ایتش اولان بر ذاتک بویله بر افاده ده بولنسی حقیقه شایان تعجب در . کچنلرده «زمان» غزته سنی ده ایران حقنده بوقیل بعض افادات

بشری دنائت و معایب دن و اونلرک نتیجه سی اولان فلاکت و مصائب دن قورتاره من .

دیدیکم کبی مادیات اعتباریله اسلامیت بر مؤسسه در . مرکزیت بومؤسسه نك اساسی در . روح اسلام ، افتراق قبول ایمز بر مؤسسه در . مقر خلافت ده بونك محوری در . خلافتك تابعیتدن چقان بر مسلم ، - مرتد و یاخود اولاد غیر مشروع مثلاً - دارالاسلام ده بولتان آباء واجدادینك املاک نه توارث ایدمه من . بیضه خلافتی محافظه ، نفور اسلامی صیانت اوغورنده هر مسلم بذل مال و جان ایتمه مأموردر . بر اسلام مستعمره سی احیاناً اجنبی استیلاسنه اوغراسه اوراده کی بوتون اسلام مرکز ، یاخود مرکز مربوط اک یاقین دارالاسلامه هجرت ایتمه مجبوردرلر .

بوقانونلرک سختی ، بونلرک خلافت حركت ایدنلرک توپلر اوپر تن فلاکتی ایلک اول اندلس ده تجربه ایدلدی ، صوگ دفعه ده (الله فضله سی کوسترمسون) بالقان محاربه سنده کورولدی . مسلمانلر اسلامینک چیزدیکی سیاستدن بستیون آیرلایلر . اخوت رابطه سی که وشه دی ، مرکزیت یرینه عدم مرکزیت قائم اولدی . خلافت شخصی حکومت ، قانون استبداده منقلب اولدی . امرای اسلام مرکز خلافت ایلک فک رابطه ایدمه بونلرک بولندقلری یرلده خود بخود مختار اولایلر . دورسعادتن اوزاق دوشدکجه اجتهاد تقلیده منقلب اولدی . بو اسلام مستبدلرک استبدادلرینی تحدید ایدن علمای ربانی قالدی . اونلرک یرینه باطل تأویللرله ، صنی حدیثلرله استبدادلرینی ترویج ایدن متملق ، ریا کار علماء قائم اولایلر . «الدین یسر» بیوران رسول کریمک قولنه رغماً دینده او قدر ، وشکافلق ، اشکال پرستلک یایدیلر که عوام دینی بر یوک تلقی ایدمه بونلرک دیندن لاقید اولمه باشلادیلر . منافقار ایسه بوحالردن استفاده ایدمه بونلرک فساد تخمیلرینی اکرکجه ایدیلر نهایت اخلاق عمومی بوزولدی ، جامعه اسلامییه پارچه لاندی . مسلمانلر (ان الله لا یغیر ما بقوم حتی یرغیر واما بانفسهم) ایت کریمه سنده کی مجازاته کسب استحقاق ایشیلر . نتیجه نه اولدی؟ سورودن آیریلان بو قویونلری قوردلر برر برر قایدیلر .

ایشته اسلاملرک نفیر عامه اجابت ایدمه سنک سری بوراده در . اسلافک ارتکاب ایتدکلری خطالر ایچون اخلاقی ، عمومی برقباحت ایچون خصوصی بعض کیمسه لری مسئول و معاتب طوتمق موافق انصاف دکلدلر . بوندن باشقه اسلامیتده تکلیف مالایطاق یوقدر . اونلرک بو کونکی سیاسی اسارتلرینی ، مقر خلافتله آرملرنده کی حائللری ، حدود فاصللرینی ده نظر دفته آلمق لازمدر . بناء علیه بو احوال و شرائط داخلنده اونلردن استمداد دکل ، بلکه اونلرک امدادلرینه قوشمق حر اولان اسلام ملتلر ایچون واجب الایفا بر وظیفه اولدینی البته تسلیم بویوزولور ، ظن ایدرم .

برده بو فلاکت زده لری استیلایه اوغرادقلری صیره ده عالم اسلامدن استمداد ایتمه مش دکلدلر . نه قدر استرجاملرده بولندیلر ، حاللرینی عرض

ایتدیلر ، مرخصلر کوندر دیلر . لکن قولاق آسان اولدی . حر و مستقل اولان مسلمانلر بونلرک امدادلرینه یتشمیدی . کندیلری یالکز باشلرینه عصر لرجه جهد وجهاده بولندیلر نهایت مغلوب اولدیلر ، اسیر دوشدیلر . اسیرلردن نه خیر بکله بیلیر ؟ سیاست اولمش اولانلر دیرلرک هانکی ایشلرینه یارایه بیلیرلر ؟

مع مافیه بوکون بو ملنلر حرکت کوسترمه مکه برابر جس سز دکلدلرلر . جسملری اسارت بویوندور و غنده ایکله یورسده بو حرکت سز جسم لرده کی روح اسکی جوالیتنی محافظه ایدیور . ماده متفسخ ، فقط معنأ زنده درلر . جسملرینی اوغرادقلری سکتنه هلشدن قورتاریکمز ، اسکیسی کبی عالم اسلامک فعال برر عضوی اوله بیلیرلر .

استطراداً شونی ده سولک لازمدر که بوا سارت زده ملل اسلامییه بو کونکی عالم اسلامک دردلرینه چاره ساز اوله جق اولانلر مرض عمومینک تشخصی ایچون برر موضوع تشکیل ایدیور . بو زنده اسکلتلری تشریح ایتسونلر و حقیقی بولسونلر .

یالکز مادیات ایلک ، یاخود یالکز معنویات ایلک ایش کوریلده من . نته کیم هندیلرده معنویات مکمل ایسه ده مادی تشکیلاتک فقدانندن دولای قیرلمش قول کبی اسلامک بویته بوغیچی بر یوک اولمشلردر . یونانلیر ، ایتالیانلر ، اسپانیولیلر دنیانک اک بیوک تاریخی ملتلرینک خانی اولدقدن باشقه تشکیلات مادیه نك موجودیتنه رغماً معنویاتک فقدانندن دولای اوروپانک اک حقیر ملتلرننددرلر . مادیات و معنویات جسم و جان کبی لازم و ملزوم شیلردر .

دین اسلامده مادیات و معنویات ، دنیا و عقی آیری آیری شیلر دکلدلر . هریکیسی ده انسانی «ملکله غبطه ایتدیره جک مکمل بر مخلوق یایمق» غایه سنک ایکی آدیم لری درلر . بوغایه نك تأمین ایچون جناب حق اسلام ملتی انتخاب ایتدی : «کنتم خیر امة اخرجت للناس الخ...» آیت کریمه سنده بومقصد عالی صراحة کوسترلمشدر . ملت اسلامییه آمر بالمعروف ونهی عن المنکرله مأموردر که بوظیفه یی انحق حاکم و آمر اولدینی حالده ایفا ایدمه بیلیر ؛ همده اک مذهب ، اک مترقی ، اک متمدن بر ملت اولمق شرطیله ایفا ایدمه بیلیر . اسیر ، محکوم ، حقیر ، متدنی بر ملت بونی یایمه من . بونکچوندر که قرآن کریم ده «العزة لله ولرسوله وللمؤمنین» بویوزلمشدر . بتون عزتلر شرفلر ، دنیوی اولسون اخیروی اولسون ، الله و اونک رسولنه و مؤمنینه شایسته وشایان در . بناء علیه اسلام حر ، حاکم ، شرفلی اولملی که هم قولاً ، هم فعلاً ، همده مثلاً بوظیفه مقدسه یی ایفا ایدمه بیلسون . تشکیلات مادیه و معنویه ایلک مجهز اولمزه ، هر بر خصوصده برنجیلکی اخراز ایتمه درعهده ایتدیکی وظیفه یی ایفا ایتما مکه برابر متدین اولدینی دینی ده تذلیل ایتمش اولور . قرآن کریم واحادیث و نبویه تشکیلات مادیه نك تدارکی حقنده صراحة تأکیدلر موجوددر .

دنیا نك اک برنجی برملتی اولمق ایچون قوه مادیه ایلک قوه ذهنیه لازم . برنجیسی ایچون اتفاق واتحاد ، ایکنجیسی ایچون ده اکتساب علوم

جهاد و عالم اسلام

حرب عمومی در پاکستان و بخارا در افغانستان ، هندستان و حجاز ماریقبه استانبول سیاحت .

— ۶ —

— افغان امیری حبیب الله خان حقنده بر فکر ایدینه بیلدیکزمی ؟ فصل آمددر ؟

— حبیب الله خان بر کره تام معناسیله غایت ساده بر مسلماناندر . مملکتته کوره تام معناسیله بر حکمداردر . مملکتی داخلنده نفوذی بحق جاری آمر مطلقدر . شریعت احمدیه ایله ده عاملدر . باباسی مرحوم عبدالرحمن خان حضرت نلرینک وصیتنی حرفیا اجرا ایتمکه چالشمقدهدر . باباسی مرحوم زماننده وزیر اعظم اولان ا کرم خان جنابلری بو گونه قدر حبیب الله خان نزدنده وزیر اعظمدر . احتمالکه کندیس بیوک بردهایه مالک دکدر . لکن تجربه دیده وزیر مالکدر . اولیای امور کاملاً بتون معناسیله اوزبک آدمدردر . [۱]

مع مافیه کندیس غایت چالیشقان ، مملکتتک محافظه سنه صوک درجه دوشکوندر . مملکتته تک اجنبی آیاغنی باصدیرماز ، بتون اولادلرینی تورکجه تربیه ایدر . معیتده کی دوقور نیرک نامنده استانبوللی بر تورکدر . اجنیلره قطعاً امنیت اولی جبهته مملکتنی یالکیز مسلمان تبعه سنک یابه بیله جکی صنایع ایله اداره ایدر . بتون اهل صنعتی داخل مملکتته یتیشدیرمک . مسالکته صوک درجه ده عازمدر . اجنبی بر معلمه احتیاجی اولان بر صنعتی شیمدیلک قطعاً ترویج ایتک ایسته میور . بو اساساً باباسی عبدالرحمن خان مرحومک مسلکی در . اونک وصیتی موجنبجه حبیب الله خان ده عینی مسلکی تعقیب ایتکدهدر .

معیتی ارکانندن اسماعیل خان جنابلریله بر ملا قایمده : حبیب الله خان فصل آمددر ؟ دییه صور مشدم . اسماعیل خان جواب اوله رق : « ایمانی کامل اوزبک آدم . » دییه رک ایکی کله ایله اکتفا ایتدی . بن کندیس یله ملاقات ایتدم . فقط سوقانلرده کاه پیاده اوله رق کاه اوتوموبیلنده دائماً کندیسنه تصادف ایدردم . بردفعه جامعدن جیقارکن پک یقین بولنیوردم . بکا باقرق «السلام علیکم» دییه یوکسک صدا ایله سلام ویردی .

حبیب الله خان حقنده بوندن فضله برشی سویله جک اولورسم احتمال خطا ایدرم .

دوقور منیربک معرفتیه میدان کتورلش غایت منتظم برخسته خانه وار . بر حریبه مکتبی وار . بومؤسسات بو آدمک مساعیسه شهادت ایدر . بونلر غایت مهم مؤسسه لردر . بو کبی عصر حاضره مناسب [۱] عمریتله اقوام تورکیه یه اوزبک دیرلر . برده اوزبک : اصل ، خالص مسلمان ، صادق ، مزایای بشریه ده صاحب کمال معناسندهده مستعملدر .

درکاردر . اتحاد و اتفاق ذاتاً اسلامیتک الک زیاده اصرار ایتدیکی بر مسئلهدر . علمک ایسه هر مسلم و مسلمه ایچون بر فریضه اولدیغی حدیث رسول ایله ثابتدر . اسکی بر حکیممن علومک صنفلرینی ده تعین ایدیور ؛ ایکی کله ایله دنیانک بوتون علومنی احاطه ایدیور . «الم علمان : علم الابدان ، و علم الادیان ، ابدان کله سنه بر آزدقت ایدیکز . علم الابدانن یالکیز علم طبابت مقصود دکدر ؛ بلکه بو کونکی بوتون «ایل اوپی» (El opathy) «هو وپی» (Homo-pathy) ، جیولوژی ، فیزیولوژی ، سوسیالوژی و دنیانک بوتون لوژی لری ، حاصلی طبابتدن طوتیکزده «میت» (metiter) دینیلان بوتون اجسام ارضیه و سماویه عائد علومی احتوا ایدیور .

اسلامی ترقی بشره مانع بر عنصر تلقی ایدن سبک مغزان فی الحقیقه اسلامک حقیقتندن خبردار دکدرلر و اسلام اولادی اولدقلری حالده اسلامی بیلیمورلر . یوقسه متعصب خستیان میسیونرلره اقتفاء بویله تفوهاتده بولونمازلردی . اسلامیتک وضع ایتدیکی عالی دستورلر بحق تطبیق ایدیلرله اوله بر ملت اورته یه جیقارکه بوتون جهان اوکا امثال ایدر . فرداً و مجتمعاً ، ماده و معناً بشری اعلا ایله اونک سعادتنی تأمین ایده جک اسلامدن باشقه بر طریق صلاح یوقدر . انسانلر ترقی ایتدیکجه بو حقیقی ادراک ایده جکلردر . وایر ، کیچ اسلامک وضع ایتدیکی دستورلر جهانه حاکم اوله جقدر .

عالم اسلامی بو کونکی حسیض مذات و اسارته دوشورن هیچ شبهه سز بوا ساسادن اوزاقلاشمسیدر . نه غریبدرکه اقوام جهان اسلام برنسیلرینه طوغر و یورومکده اولدقلری حالده مسلمانلر بوا ساسلردن اوزاقلاشدیکجه اوزاقلاشیورلر . ضلالتک بودرجه سنه اظهار حیرتدن باشقه نه پایله بیلیر ؟

اسلام وحدتی امر ایدر . بز اوئی پارچه لادق . تشتت ، تفرقه بوتون اسلام مملکتلرینی پریشان ایتدی . اسلام عدالتی امر ایدر . بز اوئی چیکنده دک . جبارنه نک ظلملری بوتون دیار اسلامی قاصدی قاووردی . اسلام سعی امر ایدر . بز اوکا ارقه مزری چویردک . مدھش بر عطالت هر طرفی قابلا دی . اسلام عفتی ، عصمتی امر ایدر . بز اوئی ده آیقلر آلنه آلدق . فساد اخلاق هر طرفی استیلا ایتدی . نهایت اوله بر درک یه دوشدک که اوندن اوتوسی یرک آلتی در .

شیردی بوقدر سیناته قارشی نه بلکه یوردق ؟ بو حال دوام ایتدیکجه اقوام اسلامی نهک باش قالدیره مایه جقلری پک طبیعی دکیدر ؟ یر یوزنده کی مسلمانلر اسلامیت سایه سنده ترقی ایتشلردی . اسلامیتدن اوزاقلاشدیکجه ادبار و فلاکت اوچور و ملرینه سور و کلندیلر . بو کون مسلمانلر ایچون اسلامیه صاریلقدن باشقه بر چاره فلاح یوقدر . اسلاملر تام مسلمان اولمی ، اووقت جهادک تأثیراتی کورورسکیز . حاصلی عینی خسته لقله مصاب اولان بوتون عالم اسلامک عاجی ده بردز : حقیقی وقام اسلامیت .

افغانی

محمد عبدالرب برق